

Na osnovu člana 11. tačka 1. i 7. i člana 12. tačka 3. Zakona o Komisiji za vrijednosne papire («Službene novine Federacije BiH», br. 39/98 i 36/99), Komisija za vrijednosne papire Federacije Bosne i Hercegovine, donosi

## **PRAVILNIK**

### **o načinu sticanja i prometa vlastitih dionica**

#### **Član 1.**

Pravilnikom o načinu sticanja i prometa vlastitih dionica (u daljem tekstu: Pravilnik) uređuje se način postupanja dioničkih društava u slučaju sticanja i prometa vlastitih dionica.

#### **Član 2.**

Dioničko društvo donosi odluku o sticanju vlastitih dionica na način propisan Zakonom o privrednim društvima («Službene novine Federacije BiH», br. 23/99, 45/00, 2/02 i 29/03).

Odluka o sticanju vlastitih dionica, koju donosi skupština dioničkog društva, sadrži elemente propisane zakonom uz obrazlaganje načina sticanja dionica, ciljevima koji se žele postići i sredstvima iz kojih će se vršiti sticanje vlastitih dionica, pri čemu sredstva za kupovinu dionica moraju biti osigurana u skladu sa zakonom.

#### **Član 3.**

U slučaju kada odluku o siecanju vlastitih dionica, u skladu sa zakonom, donosi nadzorni odbor dioničkog društva, u odluci se navode detaljni razlozi koji se odnose na nastupanje ozbiljne štete po dioničko društvo, pri čemu se ozbiljnom štetom ne može smatrati mogućnost kupovine dionica od strane trećih lica koja nisu dioničari tog dioničkog društva.

#### **Član 4.**

Sticanje vlastitih dionica se vrši putem berze ili drugog uređenog javnog tržišta, osim kod sticanja u zakonom određenim slučajevima.

#### **Član 5.**

O svakom sticanju vlastitih dionica dioničko društvo je dužno obavjestiti Komisiju za vrijednosne papire Federacije Bosne i Hercegovine (u daljem tekstu: Komisija).

Obavijest iz stava 1. ovoga člana sadrži:

- datum sticanja vlastitih dionica,
- cijenu po kojoj je vršeno sticanje, sa iskazom najviše i najniže cijene,
- broju dioničara od kojih je izvršeno sticanje,
- imenima i prezimenima dioničara od kojih je izvršeno sticanje i njihova veza sa dioničkim društvom.

Uz obavijest iz st. 1. i 2. ovoga člana, dioničko društvo je dužno dostaviti i odluku o sticanju vlastitih dionica sa sadržajem koji je u skladu sa zakonom i ovim Pravilnikom.

U slučaju kada odluku o sticanju vlastitih dionica donosi nadzorni odbor dioničkog društva, na način propisan zakonom, Komisiji se dostavlja i dokaz o obavještavanju skupštine dioničkog društva.

#### **Član 6.**

Nakon obavještavanja Komisije o sticanju vlastitih dionica, dioničko društvo je dužno, u roku od 8 dana od dana dostave obavijesti, kod svakog sticanja vlastitih dionica i prije nego što donese odluku iz člana 7. ovoga Pravilnika, Komisiji podnijeti zahtjev za upis stečenih vlastitih dionica u registar emitenata kod Komisije.

U roku od 8 dana od dana upisa u registar emitenata kod Komisije dioničko društvo je dužno podnijeti prijavu Registru vrijednosnih papira u Federaciji Bosne i Hercegovine (u daljem tekstu: Registar vrijednosnih papira) za opoziv stečenih vlastitih dionica.

Pod opozivom vlastitih dionica se podrazumjeva suspendiranje prava na učešće u:

- upravljanju dioničkim društvom,
- raspodjeli dobiti i
- diobi imovine preostale nakon stečaja ili likvidacije dioničkog društva.

Suspendiranje prava iz stava 3. ovoga člana traje do izvršenja odluka iz člana 7. stav 1. ovoga Pravilnika.

## **Član 7.**

Po upisu vlastitih dionica u registar emitenata kod Komisije i podnošenju prijave Registru vrijednosnih papira za opoziv stečenih vlastitih dionica, dioničko društvo ima pravo i dužnost da:

- donese odluku o smanjenju osnovnog kapitala za iznos stečenih vlastitih dionica, na način propisan zakonom, ili
- donese odluku o prodaji vlastitih dionica.

Dioničko društvo ne može donijeti odluku iz stava 1. alineje 1. ili 2. ovoga člana prije nego što vlastite dionice budu upisane u registar emitenata kod Komisije i prije nego bude upisan opoziv stečenih vlastitih dionica kod Registra vrijednosnih papira.

## **Član 8.**

Ukoliko dioničko društvo donese odluku o smanjenju osnovnog kapitala za iznos stečenih vlastitih dionica, dužno je izvršiti smanjenje osnovnog kapitala na način propisan Zakonom o privrednim društvima.

U slučaju kada dioničko društvo donese odluku o prodaji vlastitih dionica, dužno je Komisiji dostaviti odluku o prodaji, sa iskazanim razlozima prodaje, minimalnoj cijeni po kojoj se ima izvršiti prodaja i roku u kojem će se izvršiti prodaja u skladu sa računovodstvenim propisima.

Nakon donošenja odluke o prodaji, dioničko društvo je dužno izvršiti prodaju vlastitih dionica putem berze ili drugog uređenog javnog tržišta.

Nakon prodaje, dioničko društvo je dužno, u roku od 8 dana od dana prodaje, dostaviti Komisiji izvještaj o količini prodaje, datumu prodaje i cijeni po kojoj je izvršena prodaja, iskazujući cijene svih prodatih vlastitih dionica pojedinačno.

Ukoliko dioničko društvo ne izvrši prodaju vlastitih dionica u roku koji je utvrđen odlukom o prodaji dužno je odlučiti o smanjenju osnovnog kapitala.

## **Član 9.**

Nakon svake prodaje vlastitih dionica, dioničko društvo je dužno Komisiji podnijeti prijavu za promjenu podataka u registru emitenata kod Komisije.

## **Član 10.**

Ovaj Pravilnik stupa na snagu osmog dana od dana objavljivanja u «Službenim novinama Federacije BiH»